

增修
補註

正續歷代通鑑輯覽

清

德宗景皇帝

〔壬午〕光緒八年春三月李鴻章賞假往湖北省視母病以張樹聲署直隸總督

李鴻章丁母憂命改爲署任穿孝百日後卽行回任旋鴻章迭請終制詔開缺駐紮天津並署通商大臣

李瀚章丁母憂以涂宗瀛爲湖廣總督

夏四月以曾國荃署兩廣總督

朝鮮與美國立約命道員馬建忠

字眉叔江蘇徐州人

提督丁汝昌

字禹廷安徽人

往蒞盟

旋

英法二國先後與朝鮮立約皆由建忠介之

致仕大學士全慶卒予諡文恪

五月召劉長佑入覲以岑毓英署雲貴總督

秋七月張樹聲奏誘獲朝鮮大院君李昰應送保定安置

初朝鮮王李熙

以支派入承正統其本生父大院君李昰應攬國權及王年長總攬朝綱

王妃閔氏用事閔族執政是應失權怏怏至是兵士因缺餉譁變奉以爲主借清君側之名殺大臣及辦外交者數人並攻日本使館殺日本人數人以翦王羽翼殺王妃并囚國王署直隸總督張樹聲聞報遣提督丁汝昌道員馬建忠往又遣提督吳長慶字筱軒安徽廬江人率陸軍至漢城誘是應至營送歸天津捕其黨百餘人置之法日本亦遣兵至旋以償金開埠定約而還是應至天津朝命免其治罪安置保定旋因國王懇請于十一年八月釋放歸國

冬十月巴里坤領隊大臣沙克都林札布與俄國分界大臣在喀城會議定喀什噶爾東北界約四條成

十一月王文韶開缺養親命翁同龢在軍機大臣上行走先是太常卿周瑞清包攬雲南報銷有賄託關說情事爲御史陳啓泰等揭參先後派王大臣查辦有戶部需索賄銀景廉王文韶均有賂遺鉅萬之風說文韶在軍機尤爲言路所指目屢疏乞退不許至是以養親去職雲南報銷案旋于九年五月結案周瑞清及御史李郁華戶部主事孫家穆等均發往軍臺景廉王文韶等以失察交部議處

命潘祖蔭在軍機大臣上行走 祖蔭旋于九年正月丁父憂開缺

命張佩綸署理都察院左副都御史 佩綸以敢言稱至是疏辭不許

〔癸未〕九年春正月派曾紀澤辦理洋藥稅釐併徵事務 洋藥稅釐併徵

載在煙臺條約因英使威妥瑪藉詞延宕懸閣數年至是英使還國故命

紀澤與英外部商辦

命吳廷芬在總理各國事務衙門行走

夏四月劉長佑因病開缺以岑毓英爲雲貴總督

五月涂宗瀛因病開缺以下寶第署湖廣總督

六月命李鴻章署直隸總督張樹聲還兩廣總督任曾國荃來京陛見鴻章

疏辭不許

山東歷城等處黃河漫溢

秋七月越南與法蘭西立新約十三條 初嘉慶間越南舊阮王起自南圻

廣南舊阮後裔名福映者求法教士保護奔暹羅時法王路易十六世國中與新阮阮光

患革命軍事未暇相助法教士乃游說暹羅王法亞查克利福映爭復位與新阮阮光

領東京謂爭國假法蘭西兵以滅新阮許給酬金後止付其半咸豐間又因

殺害教民與法國構兵同治元年始立約講和割南圻之嘉定邊和定祥

名爲外三省以畀法人十二年又開兵衅再訂和約又割永隆安江河仙

名爲內三省以畀法自是南圻全爲法踞改嘉定爲西貢成爲大埠上年

法人欲實行紅河通商

紅河即富良江又名珥江發源于雲南元江爲北圻最大之江

有劉永福者咸豐間聚

衆于粵西號黑旗爲官軍所逼走入越越王招撫授以三宣副提督轄宣

光興化山西三省遂于保勝設卡抽稅越王不能制聽其自行收稅養兵

永福名義廣西錦州人體格矮小面豐滿時年已垂六十鬚髮如銀而勇壯豪邁富于才略好術數尤長于治御之術嘗從太平軍之首領吳鯤轉戰于安南東北部衆望多歸之吳鯤既死乃率

其餘黨據老開府時安南國力孱弱不能制因表示遣使招撫之意以爲苟安且夕之計義恐安南與中國合而謀己乃佯喜而從之安南王遇之漸厚多予以耕牛籽種義亦以容身有所屢進

畫謀大得安南王之歡心至尙安南王之二女義竊于此時招集同類施以恩惠俠義之名藉藉于人口黃白兩旗之人亦多聞風來隸其麾下義悉授以田土生齒日繁拓地至七百餘方里遂

成繁盛之郡邑義志乃漸驕不肯納稅安南王雖悔之末如之何義遂與安南絕專決地方之政設官分職與教勸業兵制亦整飭有緒又置文武官僚于各市府使監督軍民各政未幾部下皆

知文字怯于私鬪而勇于公戰迥非安南柔弱之比蓋至是殆不復有安南矣

法人以爲有礙通商必須驅除并因和約

內有代出貲剿匪之條遂以兵船駛入東京命河內總督讓故宮與之屯

兵總督不從法人即拘留之是年三月攻陷河內九年二月又攻陷南定

其夏再陷河陽其附近之廣安寧平二省均爲所佔時劉永福駐山西屢

與法人戰獲勝而法人別以兵船攻東京順化河岸礮臺陷之適國王阮

福時先于六月中病故養子三人立其長者臣民廢之推立攸王之弟福

昇法人逼脅立約。權利盡失。旋福昇仰藥自殺。國人又立福時次養子福膺。年纔十二。受脅未能自振。

八月。命彭玉麟往廣東。會同督撫辦理海防。時朝廷以越南久列藩封。暗助劉永福軍餉械。並命雲南巡撫唐炯駐紮山西。廣西巡撫徐延旭駐紮北寧。相機援助。法人因之屢有責言。初。命李鴻章往廣東督辦越南事宜。節制廣東廣西雲南三省防務。嗣又命在上海與法使脫利古商辦。脫利古聲言將乘兵船入京。命鴻章還直督任。至是脫利古又揚言至廣東。故命玉麟赴粵。而命南北洋妥籌防務。

九月。伊犁參贊大臣升泰等與俄國分界大臣佛里德在塔城會議。定塔爾巴哈臺。清直隸廳。今伊犁道塔城縣。界七條成。自曾紀澤在俄改約後。兩國各派分界大

臣。科布多幫辦大臣額福與俄國大臣撤裴索富在阿拉克別克河口會議。科布多新界約亦于八月間竣事。

冬十一月。命張佩綸在總理各國事務衙門行走。

致仕大學士載齡卒。予諡文恪。

〔甲申〕十年春正月。左宗棠因病請開總督缺。允之。以曾國荃署兩江總督。

三月命奕訢寶鋆李鴻藻景廉翁同龢均退出軍機處奕訢等久居政府

頗委蛇保榮屢爲言路所攻至是因法越事急朝廷將力圖振作故將軍

機大臣全數斥退

奕訢開去一切差使並撤去恩加親王雙俸寶鑒原品休致李鴻藻景廉開去一切差使降二級調用翁同龢革職留任

而命禮

親王世鐸戶部尙書額勒和布閤敬銘刑部尙書張之萬在軍機大臣上

行走工部左侍郎孫毓汶在軍機大臣上學習行走

旋太后命軍機處遇有緊要事件著會同醇親王奕

辦、

廣西巡撫徐延旭雲南巡撫唐炯均革職逮問先是延旭奉命出關自駐

諒山而令提督黃桂蘭道員趙沃守越南之北寧及法兵來攻全軍潰退

北寧失守詔徐延旭黃桂蘭趙沃均拿問以潘鼎新代爲廣西巡撫王德

榜

字朗青、湖南江華人

署廣西提督桂蘭自殺唐炯奉命出關未奉諭旨率行回省致

官兵退紮山西失守至是亦逮問

命岑毓英出關督師

命奕劻管理總理各國事務衙門事務周德潤閤敬銘許庚身在總理各國

事務衙門行走

夏四月命許景澄充出使法德等國大臣

命通政使吳大澂

字清卿

會辦北洋事宜內閣學士陳寶琛會辦南洋事宜翰林院侍講學士張佩綸會辦福建海疆事宜

李鴻章與法國水師總兵福祿諾議訂簡明條款五款于天津

法越一事自七年以來曾紀澤與法外部沙美拉古費理等總理衙門及李鴻章與

法使寶海脫利古等往復辨論均無成議自山西北寧失守法勢益張越

南臣民望風降順事勢益亟本年三月稅務司德璀璘力任調停詔李鴻

章通盤籌劃酌定辦法旋授爲全權大臣至是與福祿諾議訂五款大略

爲不侵犯中國南界撤還北圻各防營不索賠費不傷礙中國威望體面

其餘詳細節目俟該國別遣大臣前來會商

張樹聲因病請開缺專治軍事允之以張之洞署兩廣總督

五月巴里坤領隊大臣沙克都林札布與俄國分界大臣在新瑪爾噶拉會

議喀什噶爾西北界約六條成

以文煜爲大學士

以額勒和布閣敬銘俱協辦大學士

命張蔭桓在總理各國事務衙門學習行走

卷一百三十七 清德宗景皇帝 四

命左宗棠仍在軍機大臣上行走。時宗棠病痊來京，故有是命。並命毋庸常川入直，遇有緊要事件，預備傳問，並命管理神機營事務。

閏五月，命尙書福錕、崑岡、左都御史錫珍、侍郎徐用儀、內閣學士廖壽恆，並在總理各國事務衙門行走。

賞劉銘傳巡撫銜，督辦臺灣事務。

授曾國荃爲全權大臣，與法使巴德諾在上海會議詳細條約，並派陳寶琛會辦。初，福祿諾臨行，與李鴻章言，擬派隊巡查越境。鴻章不以上聞奉旨申飭。時岑毓英駐保勝，潘鼎新駐諒山。朝命將駐紮北圻各軍調還關內，而法軍旋以巡邊爲名，攻犯諒山。潘鼎新等屢有捷奏。法提督孤拔率兵船來福州馬尾，有占踞地方爲質，索賠兵費之說。法使巴德諾逗遛上海，詔國荃前往與議。旋國荃議許給撫卹銀五十萬兩，奉旨申飭。又以巴德諾照會無理已甚，諭一意主戰。

六月，法兵攻陷臺北基隆礮臺，又攻滬尾礮臺，劉銘傳擊卻之。

秋七月，法國使臣謝滿祿下旗出京。

實授張之洞兩廣總督。

法國海軍攻燬福州馬尾各礮臺並擊沈兵船多艘轟燬船廠 初法提督孤拔率兵船駛入馬尾及和議決裂遂開礮轟擊吾兵船礮臺應戰均敗法船旋即駛出口外

下詔與法國宣戰

命周家楣吳廷芬崑岡周德潤張蔭桓陳蘭彬均無庸在總理各國事務衙門行走 時因法事決裂言路頗咎辦理交涉諸人故有是命

實授曾國荃兩江總督

授左宗棠欽差大臣督辦福建軍務穆圖善楊昌濬幫辦軍務
命何璟來京旋革職以楊昌濬爲閩浙總督

八月命許庚身在軍機大臣上行走鄧承修在總理各國事務衙門行走
實授李鴻章直隸總督

九月以劉銘傳爲福建巡撫仍駐紮臺灣督辦防務

以額勒和布爲大學士以恩承協辦大學士

冬十月授劉錦棠爲甘肅新疆巡撫仍以欽差大臣督辦新疆事宜 先是

錦棠與陝甘總督譚鍾麟奏設新疆郡縣謂新疆與甘肅形同唇齒若依

左宗棠議劃爲兩省以二十餘州縣孤懸絕域勢難自存擬仿江蘇建置大略添設甘肅巡撫一員以烏魯木齊爲省治設布政使一員以鎮迪道加按察使銜其伊犁將軍無庸總統全疆移烏魯木齊提督駐喀什噶爾舊有之參贊辦事領隊各大臣酌量裁撤疏入下吏部議行至是乃設甘肅新疆巡撫暨布政使等缺以錦棠等爲之裁撤烏魯木齊都統等缺致仕大學士文煜卒予諡文達

平朝鮮內亂 朝鮮金玉均洪英植等作亂殺其大臣閔台鎬趙寧夏等召日本兵入宮吾駐防提督吳兆有等助勤王兵殺英植等護朝鮮王入營玉均等出奔日本日本公使竹添進一郎焚使館走仁川之濟物浦朝命吳大澂續昌往查辦旋日本遣井上馨至朝鮮與其全權大臣議給賠款行成

十二月定唐炯徐延旭均斬監候並議處保薦各大臣有差 炯延旭旋于十二年冬赦免

張佩綸何如璋均發往軍臺 馬江敗後翰林院編修潘炳年等由都察院代奏張佩綸等債事情形給事中萬培因又奏佩綸等諱敗捏奏濫保徇

私各節詔左宗棠楊昌濬查辦覆奏請交部議處朝旨謂情重罰輕佩綸
先以濫保徐延旭等革職至是與何如璋均發往軍臺效力贖罪

法國兵船攻鎮海口守礮臺兵擊卻之總兵吳安康率南洋兵船五艘援
臺灣于浙江海面遇法國兵船自沈二船餘退入鎮海口法船遂攻鎮海
口爲守礮臺兵擊退之

〔乙酉〕十一年春正月諒山失守法兵進攻鎮南關自和議破裂潘鼎新
屢有捷奏至是法兵猛攻諒山官兵敗走提督楊玉科等陳亡惟滇粵各
軍尙力攻宣光

今法屬
安南境

未退并敗法兵于臨洮

派李鴻章爲全權大臣與日使商議事務日本因上年吾駐朝鮮兵援王
宮迎朝王入營以爲不便特遣伊藤博文西鄉從道來議朝鮮事旋立約
三條略謂兩國屯朝鮮兵各盡撤歸將來兩國如有派兵至朝鮮事須互
先行文知照自是吾駐朝鮮兵遂罷歸

二月革潘鼎新王德榜職以提督蘇元春督辦廣西軍務李秉衡署廣西巡
撫

馮子材等攻克文淵州克復諒山時鎮南關外各軍馮子材蘇元春王孝

祺等屢敗法兵克復諒山

法兵陷澎湖

與法人議和命越南臺灣等處定期停戰

命卞寶第回湖南巡撫任以裕祿署湖廣總督

三月派李鴻章爲全權大臣與法使辦理詳細條約事務並派錫珍鄧承修

會同商辦

夏四月李鴻章等與法使巴特納在天津會訂越南新約十款成

第一款越南

邊界毗連者其境內法國約明自行弭亂安撫其擾害百姓之匪黨及無業流氓悉由法國妥爲設法或應解散或當驅逐出境並禁其復聚爲亂惟無論遇有何事法兵永不得過北圻與中國邊界

由法國並約明必不自侵此界且保他人必不犯之其中國境內會合意圖往擾法內凡遇匪黨逃匿即由中國設法或應解散或當驅逐出境倘有匪黨在中國境內會合意圖往擾法內凡遇匪黨逃匿即

由中國設法或應解散或當驅逐出境倘有匪黨在中國境內會合意圖往擾法內凡遇匪黨逃匿即由中國設法或應解散或當驅逐出境倘有匪黨在中國境內會合意圖往擾法內凡遇匪黨逃匿即

夫工匠商賈若無可責備之處其身家產業均得安穩與法國自立之條約章程無異第二款中國既訂明于法所辦若無可責備之處其身家產業均得安穩與法國自立之條約章程無異第二款中國既訂

現時並日後均聽辦理至中越往來言期內應由中法兩國各派官員親赴中國北圻交界處所會款自此次訂約畫押之後起限六箇月期內應由中法兩國各派官員親赴中國北圻交界處所會

同勘定界限倘或有界限難以辦認之處即于其地設立標記以明界限之所在若因立標處所或因地勢現在之界稍有改正以期兩國公同有益如彼此意見不合應各請示于本國第四款邊界

勘定之後凡有法國人民法國所保護人民與別國居住北圻人等欲行過界入中國者須俟法國官員請中國邊界官員發給護照方得執持前往倘由北圻入中國者係中國人民只由中國官員

執持護照單可也至有中國與北圻陸路交界允准法國商人及法商所保護之商人並中國商人運貨

時中國兵于諒山獲勝法人亦多主和故和議得成

五月命李鴻章等籌議大治水師增拓船廠

曾紀澤與英外部續訂煙臺條約專條十款成

命孫毓汶沈秉成續昌在總理各國事務衙門行走

召曾紀澤回京以劉瑞芬充出使英國俄國大臣張蔭桓充出使美國兼日
國比國大臣

准彭玉麟回籍先是玉麟授兵部尚書屢辭不許至是以廣東防務解嚴

乞病回籍許之

秋七月准左宗棠交卸差使回籍調理

命周德潤往雲南鄧承修往廣西會同督撫辦理中越勘界事宜

八月命李鴻章爲滇越邊界通商議約全權大臣

大學士左宗棠卒贈太傅予諡文襄宗棠督辦福建軍務時年七十有三

積勞過久本已多病聞命慷慨戒行冒暑兼程抵閩晝夜孜孜以謀援臺

旋聞澎湖被陷椎胸頓足至廢寢食痰疾因之而起至是遂卒于閩

九月改福建巡撫爲臺灣巡撫駐紮臺灣福建巡撫事由閩浙總督兼管

命醇親王奕譞總理海軍事務沿海水師悉歸節制調遣並命奕劻李鴻章會同辦理善慶曾紀澤幫同辦理自和局既定籌議海防善後事宜至是定議先從北洋精練水師一支以爲之倡此外分年次第興辦命李鴻章專司其事而設海軍衙門于京師

大學士靈桂卒予諡文恭

冬十月命穆圖善爲欽差大臣會同東三省將軍辦理練兵事宜

英滅緬甸 英國由印度派兵進據緬甸

緬甸自乾隆朝其主孟雲遣使入貢後久爲臣屬十年一貢載在禮部道光初英併印度

與緬甸接壤會緬使阿拉根地有逃人入印度緬甸索之遂與印度有戰事英軍偏京城阿瓦乃割阿拉根一帶地償金二百萬磅始定和議及咸豐時戰事再起英人佔古地朝廷以中原多故不暇顧及及法取越南與中國激戰之際英人索緬甸之寶石木場等廠緬人不從遂由印度進兵占領緬甸中國以緬甸爲朝貢之邦命駐英

大臣曾紀澤與英外部會商初議立君存祀俾守十年一貢之例不可得乃議定由英駐緬大員按期遣使賫獻儀物另行派員先定分界再籌通商

十一月以恩承閣敬銘爲大學士福錕張之萬協辦大學士

添設福建臺灣布政使

【丙戌】十二年春三月李鴻章與法使戈可當等在天津會議越南邊界通

商章程十九款成

夏五月以張曜爲山東巡撫張曜先以提督改授廣西巡撫未至任命挑

濬京師護城河又命查勘山東黃河至是調山東巡撫

四川總督丁寶楨卒予諡文誠寶楨任川督凡有興革不避嫌怨復都江

故隄還民田數十萬畝裁減夫馬民困大蘇川鹽久敝勸滇邊黔邊官運

法國家溢收百餘萬

以劉秉璋爲四川總督

六月依克唐阿吳大澂與俄員巴拉諾伏等勘定圖們江界牌

奕劻孫毓汶與英使歐格納會議緬甸條約五款成

秋八月前湖南提督鮑超卒予諡武襄

命馮子材辦理瓊州客黎各匪瓊州孤峙海南黎巢其中民圖其外地瘴

而瘠民弱而惰客匪

客匪大率皆籍隸嘉應州及新寧恩平高明鶴山等縣言語風俗自爲一種土人不與爲婚姻或云即係仡人非若他省僑寓民戶

皆謂之客民也黎匪黎人所居最深處曰黎母山其地居瓊之中盤互數百里定安會同樂會萬州陵水崖州等處皆有峒口出入諸黎以儋州臨高爲最馴應水俸黎歧黎爲最

悍崖黎富強亦易滋事遂爲地方之害客匪以客匪爲嚮導藉遊勇爲附從先是張之洞有大

拯瓊民剿撫兼施之奏故有是命